




ট্রান্সপারেন্সি
ইন্টারন্যাশনাল
বাংলাদেশ

দুর্নীতিবিরোধী সামাজিক আন্দোলন

দুর্নীতির ধারণা সূচক ২০১৫



বার্লিনভিত্তিক আন্তর্জাতিক দুর্নীতিবিরোধী সংস্থা ট্রান্সপারেন্সি ইন্টারন্যাশনাল (টিআই) কর্তৃক ২৭ জানুয়ারি ২০১৬ এ প্রকাশিত দুর্নীতির ধারণা সূচক (করাপশন পারসেপশনস্ ইনডেক্স বা সিপিআই) ২০১৫ অনুযায়ী সূচকের ০-১০০ এর স্কেলে বাংলাদেশের স্কোর ২৫। তালিকার নিম্নক্রম অনুযায়ী ১৬৮টি দেশের মধ্যে বাংলাদেশের অবস্থান ত্রয়োদশ বা ১৩তম। এ বছর একই স্কোর পেয়ে বাংলাদেশের সাথে সম্মিলিতভাবে তালিকার নিম্নক্রম অনুযায়ী ১৩তম অবস্থানে আরও রয়েছে: গিনি, লাওস, কেনিয়া, পাপুয়া নিউ গিনি ও উগান্ডা। এ বছর উর্ধ্বক্রম অনুযায়ী বাংলাদেশের অবস্থান ১৩৯তম।

সূচকে অন্তর্ভুক্ত দেশ ১৬৮

০-১০০ স্কেলে বাংলাদেশের স্কোর ২৫

উর্ধ্বক্রম অনুযায়ী বাংলাদেশ ১৩৯তম

নিম্নক্রম অনুযায়ী বাংলাদেশ ১৩তম

উর্ধ্বক্রম অনুযায়ী ৬ ধাপ এগিয়েছে

২০১৪ এর তুলনায় স্কোর অপরিবর্তিত

নিম্নক্রম অনুযায়ী ১ ধাপ নিচে নেমেছে

উল্লেখ্য, ২০১৫ সালসহ ২০০৯, ২০১১ ও ২০১২ সালেও সূচকের নিম্নক্রম অনুসারে বাংলাদেশের অবস্থান ১৩তম ছিল।


৯১ স্কোর পেয়ে কম দুর্নীতিগ্রস্ত তালিকার শীর্ষে অবস্থান করছে ডেনমার্ক। ৯০ স্কোর পেয়ে তালিকার ২য় স্থানে রয়েছে ফিনল্যান্ড এবং ৩য় স্থানে রয়েছে সুইডেন যার স্কোর ৮৯। অন্যদিকে ৮ স্কোর পেয়ে ২০১৫ সালে তালিকার সর্বনিম্নে যৌথভাবে অবস্থান করছে উত্তর কোরিয়া ও সোমালিয়া। ১১ ও ১২ স্কোর পেয়ে তালিকার ২য় ও ৩য় সর্বনিম্ন অবস্থানে রয়েছে যথাক্রমে আফগানিস্তান ও সুদান।

২০০১ থেকে ২০১৫ সাল পর্যন্ত বাংলাদেশের স্কোর ও নিম্নক্রম অনুযায়ী অবস্থান:

সাল	স্কোর	নিম্নক্রম অনুযায়ী অবস্থান	দেশের সংখ্যা
২০০১	০.৪	১	৯১
২০০২	১.২	১	১০২
২০০৩	১.৩	১	১৩৩
২০০৪	১.৫	১	১৪৬
২০০৫	১.৭	১	১৫৯
২০০৬	২.০	৩	১৬৩
২০০৭	২.০	৭	১৮০
২০০৮	২.১	১০	১৮০
২০০৯	২.৪	১৩	১৮০
২০১০	২.৪	১২	১৭৮
২০১১	২.৭	১৩	১৮৩
২০১২*	২৬*	১৩	১৭৬
২০১৩*	২৭*	১৬	১৭৭
২০১৪*	২৫*	১৪	১৭৫
২০১৫*	২৫*	১৩	১৬৮

*২০০১-২০১১ পর্যন্ত ০-১০ স্কেলে; ২০১২-২০১৫ পর্যন্ত ০-১০০ স্কেলে নির্ণীত

বাংলাদেশ: সিপিআই স্কোর ২০০১-২০১৫




নিম্নক্রম অনুযায়ী অবস্থান: ২০০১-০৫ (সর্বনিম্ন)


২০০৬ (৩), ২০০৭ (৭), ২০০৮ (১০), ২০০৯ (১৩), ২০১০ (১২), ২০১১ (১৩), ২০১২ (১৩), ২০১৩ (১৬), ২০১৪ (১৪), ২০১৫ (১৩)

উল্লেখ্য, ২০১৪ এর সূচকে অন্তর্ভুক্ত ৭টি দেশ: বাহামা দ্বীপপুঞ্জ, বারবাজোজ, ডোমিনিকা, পোর্টোরিকো, সেন্ট ভিনসেন্ট ও গ্রানাডা, সামোয়া এবং সোয়াজিল্যান্ড ২০১৫ এর সূচকে অন্তর্ভুক্ত হয়নি।

SCORE







সূচক অনুযায়ী ২০১৫ সালে বাংলাদেশের অবস্থান সংক্রান্ত ব্যাখ্যা

সূচক অনুযায়ী ১০০ এর মধ্যে ৪৩ স্কোরকে গড় স্কোর হিসেবে বিবেচনা করা হয়। সেই হিসেবে বাংলাদেশের ২০১৫ সালের স্কোর ২৫ হওয়ায় দুর্নীতির ব্যাপকতা এখনো উদ্বেগজনক বলে প্রতীয়মান হয়।








তবে এর অর্থ এই নয় যে, বাংলাদেশ দুর্নীতিগ্রস্ত বা বাংলাদেশের অধিবাসীরা সবাই দুর্নীতি করে। সিপিআই সম্পর্কে যথাযথ ধারণার অভাবেই অনেক সময় এ ধরনের ভুল ব্যাখ্যা প্রদান করা হয়। যদিও দুর্নীতি বাংলাদেশের অর্থনৈতিক প্রবৃদ্ধি, সুশাসন ও দারিদ্র্য দূরীকরণের পথে কঠিনতম অন্তরায়, তথাপি দেশের আপামর জনগণ দুর্নীতিগ্রস্ত নয়। তারা দুর্নীতির কারণে ক্ষতিগ্রস্ত ও ভুক্তভোগী মাত্র। ক্ষমতাবানদের দুর্নীতি ও তা প্রতিরোধে দেশের নেতৃত্ব ও সংশ্লিষ্ট প্রতিষ্ঠানসমূহের ব্যর্থতার কারণে দেশ বা জনগণকে কোনোভাবেই দুর্নীতিগ্রস্ত বলা যাবে না।

দক্ষিণ এশীয় দেশগুলোর সাথে বাংলাদেশের তুলনা

দক্ষিণ এশিয়ার দেশগুলোর মধ্যে সবচেয়ে কম দুর্নীতিগ্রস্ত দেশ ভুটান। ২০১৫ সালের সিপিআই এ দেশটির স্কোর ৬৫ এবং উর্ধ্বক্রম অনুযায়ী অবস্থান ২৭। এর পরের অবস্থানে রয়েছে ভারত, যার স্কোর ৩৮ এবং অবস্থান ৭৬। দক্ষিণ এশিয়ার দেশগুলোর মধ্যে এরপরে ৩৭ স্কোর পেয়ে ৮৩তম অবস্থানে রয়েছে শ্রীলঙ্কা। এরপর ৩০ স্কোর পেয়ে ১১৭তম অবস্থানে রয়েছে পাকিস্তান এবং ২৭ স্কোর পেয়ে ১৩০তম অবস্থানে রয়েছে নেপাল। এরপর রয়েছে বাংলাদেশ এবং বাংলাদেশের পরে ১১ স্কোর পেয়ে সূচকে উচ্চক্রম অনুযায়ী ১৬৬তম অবস্থানে রয়েছে আফগানিস্তান। উল্লেখ্য, দক্ষিণ এশিয়ায় নিম্নক্রম অনুসারে বাংলাদেশ দ্বিতীয় সর্বনিম্ন অবস্থানে রয়েছে। প্রসঙ্গত উল্লেখ্য যে, ২০১১ পর্যন্ত সূচকে মালদ্বীপ অন্তর্ভুক্ত হলেও ২০১২ থেকে ২০১৫ এর সূচকে মালদ্বীপ আর অন্তর্ভুক্ত হয়নি। দক্ষিণ এশিয়ার দেশগুলোর মধ্যে উচ্চক্রম অনুযায়ী অবস্থানে ২০১৪ সালের তুলনায় ২০১৫ এর সূচকে উল্লেখযোগ্য অগ্রগতি হয়েছে ভারত ও পাকিস্তানের (নয় ধাপ)। এরপরেই বাংলাদেশ ও আফগানিস্তান

এগিয়েছে ছয় ধাপ, ভুটান এগিয়েছে তিন ধাপ এবং শ্রীলঙ্কা দুই ধাপ। অন্যদিকে, নেপাল নিচে নেমেছে চার ধাপ।

স্কোর অনুযায়ী বিগত তিন বছরে (২০১৩-২০১৫) দক্ষিণ এশিয়ার আটটি দেশের অবস্থান (ইংরেজি বর্ণমালার বর্ণক্রমানুযায়ী):

দক্ষিণ এশীয় দেশ	২০১৫ (১৬৮টি দেশ)		২০১৪ (১৭৫টি দেশ)		২০১৩ (১৭৭টি দেশ)	
	স্কোর	অবস্থান (উচ্চতম অনুযায়ী)	স্কোর	অবস্থান (উচ্চতম অনুযায়ী)	স্কোর	অবস্থান (উচ্চতম অনুযায়ী)
 ভুটান	১১	১৬৬	১২	১৭২	৮	১৭৫
 বাংলাদেশ	২৫	১৩৯	২৫	১৪৫	২৭	১৩৬
 ভারত	৩৮	৭৬	৩৮	৮৫	৩৬	৯৪
 মালদ্বীপ	*	*	*	*	*	*
 নেপাল	২৭	১৩০	২৯	১২৬	৩১	১১৬
 পাকিস্তান	৩০	১১৭	২৯	১২৬	২৮	১২৭
 শ্রীলঙ্কা	৩৭	৮৩	৩৮	৮৫	৩৭	৯১

* মালদ্বীপ সূচকে অন্তর্ভুক্ত হয়নি

সিপিআই কী?

সিপিআই বার্লিনভিত্তিক ট্রান্সপারেন্সি ইন্টারন্যাশনাল (টিআই) কর্তৃক প্রণীত ও প্রকাশিত একটি সূচক যা দুর্নীতির বিশ্বব্যাপী ব্যাপকতার একটি চিত্র তুলে ধরে। একটি দেশের রাজনীতি ও প্রশাসনে বিরাজমান দুর্নীতির ব্যাপকতা সম্পর্কে ব্যবসায়ী, গবেষক ও সূচকে অন্তর্ভুক্ত দেশ সম্পর্কে বিশ্লেষকবৃন্দের ধারণার ওপর ভিত্তি করে প্রণীত এই সূচকের মাধ্যমে দেশসমূহের দুর্নীতির অবস্থান নির্ণীত হয়। এটি একটি যৌগিক সূচক যাকে জরিপের ওপর জরিপও বলা হয়ে থাকে।

সিপিআই নির্ণয়ন পদ্ধতির ক্রমবর্ধমান উৎকর্ষতা ও সূচকের সহজীকরণের জন্য ট্রান্সপারেন্সি ইন্টারন্যাশনাল ২০১২ সাল থেকে নতুন স্কেল ব্যবহার শুরু করেছে। ১৯৯৫ সাল থেকে ব্যবহৃত ০-১০ এর স্কেলের পরিবর্তে দুর্নীতির ধারণার মাত্রাকে ২০১২ সাল থেকে ০-১০০ এর স্কেলে নির্ধারণ করা হয়। এই পদ্ধতি অনুসারে স্কেলের '০' স্কেরকে দুর্নীতির ব্যাপকতার ধারণায় সবচেয়ে বেশি দুর্নীতিগ্রস্ত এবং ১০০ স্কেরকে দুর্নীতির ব্যাপকতার ধারণার মাপকাঠিতে সবচেয়ে কম দুর্নীতিগ্রস্ত বা সর্বাধিক সুশাসিত দেশ বলে ধারণা করা হয়। যে দেশগুলো এ সূচকে অন্তর্ভুক্ত নয় তাদের সম্পর্কে এ সূচকে কোনো মন্তব্য করা হয় না। উল্লেখ্য, সূচকে অন্তর্ভুক্ত কোনো দেশই এ পর্যন্ত সিপিআই-এ ১০০ স্কের পায়নি এবং সবচেয়ে কম দুর্নীতিগ্রস্ত দেশগুলোতেও কম মাত্রায় হলেও দুর্নীতি বিরাজ করে।

সিপিআই নিরূপণ পদ্ধতি

সিপিআই অনুযায়ী দুর্নীতির সংজ্ঞা হচ্ছে ব্যক্তিগত সুবিধা বা লাভের জন্য 'সরকারি ক্ষমতার অপব্যবহার' (abuse of public office for private gain)। যে সকল জরিপের তথ্যের ওপর নির্ভর করে সূচকটি নিরূপিত হয় সেই জরিপসমূহের প্রশ্নমালায় সরকারি ক্ষমতার অপব্যবহারের ব্যাপকতার ধারণারই অনুসন্ধান করা হয়।



আন্তর্জাতিক খ্যাতিসম্পন্ন প্রতিষ্ঠান কর্তৃক পরিচালিত ১২টি জরিপের ওপর ভিত্তি করে ২০১৫ সালের সূচক প্রণীত হয়েছে। সিপিআই নির্ণয়কালে জরিপের তথ্য সংগ্রহ ও বিশ্লেষণে আন্তর্জাতিকভাবে স্বীকৃত সর্বোচ্চ মান এবং বিশেষ সতর্কতা অবলম্বন করা হয়। সূচকের তথ্য সংগ্রহে মূলত চারটি ধাপ অনুসৃত হয়। যেমন: উপাঙ্গের উৎস নির্বাচন, পুনঃপরিমাপ, পুনঃপরিমাপকৃত উপাঙ্গের সমন্বয় এবং পরিমাপের অনিশ্চয়তা সম্পর্কে যথাযথ বৈজ্ঞানিক ভিত্তিতে ব্যবস্থা গ্রহণ। জরিপগুলোতে মূলত ব্যবসায়ী, গবেষক ও সূচকে অন্তর্ভুক্ত দেশ সম্পর্কে বিশ্লেষকবৃন্দের ধারণার প্রতিফলন ঘটে থাকে।

১২টি জরিপের ওপর ভিত্তি করে
২০১৫ সালের সূচক প্রণীত হয়েছে

উপাত্তের উৎস নির্বাচন

পুনঃপরিমাপ

পুনঃপরিমাপকৃত উপাত্তের সমন্বয়

পরিমাপের অনিশ্চয়তা সম্পর্কে যথাযথ
বৈজ্ঞানিক ভিত্তিতে ব্যবস্থা গ্রহণ

সিপিআই ২০১৫ এর জন্য বাংলাদেশের ক্ষেত্রে তথ্যসূত্র হিসেবে সাতটি জরিপ ব্যবহৃত হয়েছে। জরিপগুলো হলো:

বিশ্বব্যাংকের কার্দ্দি পলিসি অ্যান্ড ইনস্টিটিউশনাল অ্যাসেসমেন্ট ২০১৪

ওয়ার্ল্ড ইকোনোমিক ফোরাম এন্ড্রিকিউটিভ ওপিনিয়ন সার্ভে ২০১৫

বার্টেলসম্যান ফাউন্ডেশন ট্রান্সফরমেশন ইনডেক্স ২০১৬

ওয়ার্ল্ড জাস্টিস প্রজেক্ট 'রুল অব ল' ইনডেক্স ২০১৫

পলিটিক্যাল রিস্ক সার্ভিসেস্ ইন্টারন্যাশনাল কার্দ্দি রিস্ক গাইড ২০১৫

ইকোনোমিস্ট ইন্টেলিজেন্স ইউনিট কার্দ্দি রিস্ক রেটিংস্ ২০১৫

গ্লোবাল ইনসাইট কার্দ্দি রিস্ক রেটিংস্ ২০১৪

সূচকে ব্যবহৃত তথ্য

এবারে সূচকে ফেব্রুয়ারি ২০১৩ থেকে অগাস্ট ২০১৫-এর তথ্য ব্যবহৃত হয়েছে।

সিপিআই-এ ব্যবহৃত তথ্যের মূল প্রতিপাদ্য

স্বার্থের সংঘাত ও
তহবিল অপসারণ

দুর্নীতি ও ঘুষ
আদান-প্রদান

অনিয়ম প্রতিরোধে ও
দুর্নীতি সংঘটনকারীর বিচার
করতে সরকারের সামর্থ্য,
সাফল্য ও ব্যর্থতা

ব্যক্তিগত বা রাজনৈতিক
দলের স্বার্থে সরকারি
স্বার্থহানিকারী
অপব্যবহার

দুর্নীতিবিরোধী উদ্যোগ
ও অর্জনে বাধাদান

প্রশাসন, কর আদায়,
বিচার বিভাগসহ
সরকারি কাজে বিধি
বহির্ভূত অর্থ আদায়

সিপিআই ও টিআইবি

সিপিআই প্রণয়নে টিআইবি কোনো ভূমিকা পালন করে না। এমনকি টিআইবি'র গবেষণা থেকে প্রাপ্ত কোনো তথ্য বা বিশ্লেষণ টিআই-এ প্রেরণ করা হয় না। পৃথিবীর অন্যান্য দেশের টিআই চ্যাপ্টারের ক্ষেত্রেও একই কথা প্রযোজ্য। অন্যান্য দেশের টিআই চ্যাপ্টারের মতই টিআইবি দেশীয় পর্যায়ে সিপিআই প্রকাশ করে মাত্র।

টিআইবি'র কার্যক্রম

জাতীয় ও তৃণমূল পর্যায়ে প্রশাসন, রাজনীতি, ব্যবসা-বাণিজ্য, সরকারি-বেসরকারি বিভিন্ন খাত/প্রতিষ্ঠানসহ সর্বস্তরে যাতে স্বচ্ছ এবং জবাবদিহিমূলক ব্যবস্থা গড়ে ওঠে সেই লক্ষ্যেই টিআইবি ১৯৯৬ সাল থেকে দুর্নীতিবিরোধী সামাজিক আন্দোলন পরিচালনা করেছে। টিআইবি'র গবেষণা, নাগরিক সম্পৃক্ততা, যোগাযোগ ও প্রচারাভিযানের উদ্দেশ্য হলো আইন, নীতি ও প্রাতিষ্ঠানিক সংস্কারের কার্যকর চাহিদা সৃষ্টি করা - যার ফলে আইনের শাসন, দুর্নীতি নিয়ন্ত্রণ, দারিদ্র্যহ্রাস এবং টেকসই উন্নয়ন ত্বরান্বিত হয়।

এরই ধারাবাহিকতায় বর্তমানে টিআইবি ৫ বছর মেয়াদী (অক্টোবর ২০১৪ - সেপ্টেম্বর ২০১৯) 'বিবেক - বিন্দিং ইন্টেগ্রিটি ব্লকস ফর ইফেকটিভ চেইঞ্জ' প্রকল্প পরিচালনা করেছে। 'বিবেক' প্রকল্পে স্বাস্থ্য, শিক্ষা ও স্থানীয় সরকার ছাড়াও ভূমি ও জলবায়ু অর্থায়নে সুশাসন নতুন খাত হিসেবে অন্তর্ভুক্ত হয়েছে। চারটি দাতা সংস্থার সমন্বয়ে গঠিত একটি কোয়ালিশন তহবিল থেকে শর্তহীন আর্থিক সহায়তায় বর্তমান প্রকল্পের কার্যক্রম পরিচালিত হচ্ছে। এ প্রকল্পের সহায়ক দাতা সংস্থাগুলো হলো: যুক্তরাজ্যের ডিপার্টমেন্ট ফর ইন্টারন্যাশনাল ডেভেলপমেন্ট (ডিএফআইডি), সুইডেনের সুইডিশ ইন্টারন্যাশনাল ডেভেলপমেন্ট এজেন্সি (সিডা), সুইজারল্যান্ডের দ্যা সুইস এজেন্সি ফর ডেভেলপমেন্ট অ্যান্ড কো-অপারেশন (এসডিসি) এবং ডেনমার্কের দ্য ড্যানিশ অ্যাশ্বেসি/ডানিডা।

জাত বিবেক, দুর্জয় তারুণ্য দুর্নীতি রুখবেই

সিপিআই সম্পর্কে আরো জানতে: www.transparency.org

ট্রান্সপারেন্সি ইন্টারন্যাশনাল বাংলাদেশ (টিআইবি)

মাইডাস সেন্টার, লেভেল ৪ ও ৫, বাড়ি-০৫, রোড-১৬ নতুন (২৭ পুরাতন)

ধানমণ্ডি, ঢাকা-১২০৯, বাংলাদেশ

ফোন: +৮৮০ ২ ৯১২৪৭৮৮-৮৯, ৯১২৪৭৯২

ফ্যাক্স: +৮৮০ ৯১২৪৯১৫

ই-মেইল: advocacy@ti-bangladesh.org, info@ti-bangladesh.org

ওয়েবসাইট: www.ti-bangladesh.org

ফেসবুক: www.facebook.com/TIBangladesh

